



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens Fvndationes Et Erectiones Monasteriorvm, Et Ecclesiarum
Collegiatarum, &c. per Boariam, ac loca quædam vicina

Hund, Wiguleus

Monachii, 1620

Catalogus Abbatissarum Monasterij S. Crucis in Nidernburg Patauij;
quarum memoria è monumentis antiquis, & ruderibus Coenobij istius
iteratis vicibus igne combusti, erui potuit.

urn:nbn:de:hbz:466:1-13578

Diploina Ottonis II. super eadem Abbatiâ.

IN nomine S. & indiuidue Trinitatis. Otto diuina fauente clementia Imperator Augustus. Pareat omnium fidelium nostrorum tam presentium quam futurorum industrie, qualiter vir spectabilis Pilgrinnus sanctæ Patauensis Ecclesiæ Præful venerandus, partibus nostris fauens pro viribus, fide inconcussa, in perturbatione atque vacillatione Baioariorum ab aduersariorum perniciofa persecutione, tam incendiis quam in interfectione familiæ à deuastatione non paruum Episcopij sui perpeffus est iacturam. Cuius fidem atque constantiam æquum duximus remunerare, & Ecclesiasticæ desolationi regiâ munificentia solamen aliquod impendere. Vnde etiam non solum eius moti querelis, sed & alubescentes precibus dilectissimi fratruelis nostri, Ottonis Ducis videlicet Baioariorum, atque Willigisi Archiepiscopi, quandam nostri juris Abbatiam infra territorium sitam Patauensis ciuitatis, quæ est in honore sanctæ Dei genitricis Mariæ constructa & dedicata, cum Walahunesdorf, ceterisque omnibus appendiciis, ad jam dictam Abbatiam iuste & legaliter pertinentibus, item, cum Ecclesiis, & ædificiis, omnibusque decimationibus, cum terris & aquis, cultis & incoltis, villulis, vineis, campis, pascuis, pratis, syluis, nemoribus, aquis aquarumque decursibus, molendinis, piscationibus, mancipiis vtriusque sexus, quæstis & inquirendis, ex toto & integro, de iure & donatione nostra eidem Patauicn. Ecclesiæ S. Stephani protomartyris Christi, per hoc præfens autoritatis nostræ præceptum pleniter in Christi nomine confirmatum donamus, tradimus, atque transfundimus, eo videlicet tenore, ut ipsa securiter, absque alicuius personæ contradictione atque molestia, more hæreditario perpetualiter in proprium teneat, atque possideat. Et ut hæc prædictæ fidei & firmitatis remuneratio, autoritatisque nostræ donatio veriore firmioreque à cunctis fidelibus nostris perpetualiter habeat vigorem, iussimus hanc chartam conscribi, & sigillo nostro sigillatam manu propria subtrus firmauimus.

*Vid. Tom.
2. Metr.
p. 292.*

Signum Domini Ottonis Imperatoris Augusti. Engelpertus Cancellarius ad vicem Willigisi archicapellani notauit. Datum XI. Cal. Augusti, anno dominicæ incarnationis DCCCC. LXXVI. Indict. IV. Anno vero regni Domini Ottonis Imperatoris Augusti XV. Imperij autem IX. Actum Ratisponæ, in Christi nomine feliciter, Amen.

Catalogus Abbatissarum Monasterij S. Crucis in Nidernburg Patauij; quarum memoria è monumentis antiquis, & ruderibus Cœnobij istius iteratis vicibus igne combusti, erui potuit.

THECLA,

HEILICA, S. HENRICI Imp. restauratoris & quodammodo alterius fundatoris huius Monasterij ex fratre neptis: (sic habet Catalogus à moderna Monasterij huius Abbatissa Dn. Dorothea Renata mihi transmissus: sed malim legere amita, licet in Cod. Dn. Hundij impresso, errore typographi irreperit verb. amica) quæ inter homines esse desit an. Dn. 1020.

*Vid. R. P.
Rader. SS.
Bannar.
Tom. II.
Auentin.
Annal. Bo-
ior. V pag.
419. v. 20.
Basil. edit.
an. 1045.*

Numerant aliqui inter Abbatissas Monasterij Nidernburg S. GISA LAM Henrici Hezilonis Boiorum Principis filiam, S. Stephani Hungar. Regis conjugem; S. Imperatoris Henrici sororem; filij Emerami Sancti matrem: & hanc an. 1095. defunctum aiunt, neutrum ego sine teste asserere velim; Auentinum fecutus, cuius de sancta nostra hæc sunt verba: Cæsar (Henricus III.) ex Vngaria reuersus secum Gisalam reginam uxorem

CVNZA,

VTA.

MERGARDIS.

ALHARDIS.

GERDRVDIS.

SOPHIA.

vxorem D. Stephani abducit, Bachauic, vbi in templo sacrarum foeminarum eius Mausoleum ostenditur, ab Vgris venerabundis aditur, collocauit.

MATHILDIS.

TVTA.

RILINT.

Redacto in Cineres Monasterio, & eò miseriarum perducto, quod Abbatissæ pro dignitate nominis statusque sui viuere ex redditibus nequirent: constituta ad tempus loco fuerunt Decannisse, nimirum

VRSVLA de Ramsdorf, quæ Ob. an. 1463.

MARGARETHA Mauernerin de Kazperg el. an. 1466. mortua, an. 1480.

BARBARA à Tannberg, suffecta an. 1481. dũ extremũ clausit an. 1494.

VRSVLA à Schönstain eodem an. 1494. Decanatum suscipiens Abbatissæ proclamatur, an. 1501. quod munus tanta industria & dexteritate obiuit, vt iure optimo Monasterium & Ecclesiam in Nidernburg, quasi de nouo constituisse audiat. Ob. an. 1513.

BARBARA Mauernerin de Katzenperg el. an. 1513. Ob. an. 1532. prælaturæ 19. ætat. 62.

BRIGITHA de Seiboltsdorf in regimine successit an. 1532. decessit die 17. Nouembr. an. 1543. ætat. 48.

BENIGNA Zengerin eod. an. Abbatissæ declarata, Ob. 1546.

MARETA de Clofen el. an. 1546. def. an. 1551.

HELLENA à Schvvarzenstain, vita & regimine defungitur an. 1552.

MARGARETHA de Laiming, Ob. an. 1557. ætat. 75.

CHVNEGVNDIS à Puchperg bene & ytiliter præfuit annis triginta octo, Monasterio, quod multis præclaris ædificiis ornauit, def. 1594. ætat. 56.

BRIGITHA de Hauzenperg, munere suo aliquot annis optime perfuncta, tandem viribus deficiens, locum dat.

DOROTÆ RENATÆ modernæ Abbatissæ, quæ ab annis decem & octo laudabiliter præest.

Nider Münster zu Regensburg.

INFERIVS Monasterium Ratisbonense, Nobilium virginum Collegium, vti de superiori Monasterio scripsi, institutum per Iuditham, filiam Arnoldi Mali, Ducis Bauariæ, vxorem Heinrichi primi, Ducis Bauariæ, ex gente Saxonum, fratris Ottonis primi, & Magni Imperatoris, raræ pulchritudinis & pudicitia foeminam, quæ Reginoburgij sacrarum foeminarum contubernium, quod inferius vocant, extruxit, vbi eius mausoleum in aditu monstratur. Hoc testantur diplomata Ottonis primi Imperatoris Magni, qui aliqua prædia & curtes dono dedit, nec non Heinrichi sancti, quorum tenor mox sequitur.

Ex Conu. do de Maidenburg.

Auent. lib. 5. in principio.

D. RATHO Damasianus Comes, eo tempore Orientalis Boiariæ, nunc Austriae Marchio, cum hac Iuditha supplicandi gratia Hierosolymam profectus est.

IBIDEM sepulta est D. Gifala, vxor Heinrichi secundi, Ducis Bauariæ, mater Heinrichi sancti Imperatoris, vt testatur crux aurea, à filia huius Gifalæ, Regina Vngariæ donata, Auentin. fol. 500.

DOCTOR Laurentius Hochvart, Canonicus Ratisponensis & Patauiensis, supra etiam citatus, vir sanè, vt ab amico nostro Wolphango Hungero in annotationibus super Cuspiniani Cæsares verissimè commendatur, tum sacrarum, tum humaniorum literarum benè doctus, & veterum monumentorum avidissimus inquisitor, in Chronica sua Episcoporum Ratisbonensium (quæ in descriptione Episcoporum Ratisbonensium non parum fuisse adiutum ingenuè profiteor) hoc Monasterium scribit extructum esse, Anno Domini 900.

Metrop. Saltib. Tom. II.

Ddd

DIPLO-